

წერილი რედაქციის მიმართ

პატივცემულო ამხ. რედაქტორო!

ვთხოვთ ადგილი დაუთმოთ თქვენს გაზეთში შემდეგს: ნოქალ. თ. ჩიქვანაიამ და დ. კასრაძემ განიზრახეს განოცემა ჩემი შრომისა „ქართული ლიტერატურის ისტორია“, რისთვისაც გაუმართნიათ წინასწარი ხელისმწერა. ხელისმომწერთაგან მე ხშირად შომდის შეკითხვები: როდის გამოვა წიგნი და რა პირობებში აქნებიან ისინი დაკმაყოფილებულნი.

ამით ვაცხადებ, რომ არავითარი კავშირი გამოცემის საქმესთან მე არა მაქვს და ამიტომ არც პირობები ვიცი მისი; შემძლია ვაუწყო დაინტერესებულ პირთ მხოლოდ ის, რომ დასაბეჭდად განმზადებული შრომა უკვე ჩაბარებული აქვთ გამომცემლებს და მგორე ტომის პირველი ნახევარი უკვე დაბეჭდილია.

პატივისცემით პროფ.

კ. კეკელიძე.

29 ოქტ. 1924 წ.